

Ruth Schmitt
Des Engelstadter Wingertshaisje

Des Wingertshaisje - Aussichtsturm
am Bleichweg in de Gemark -
gibt Schutz vor jedem Gewittersturm:
e Bauwerk, ganz stabil unn stark!

Radler unn aach Wandersleit
sin alle sehr willkumme.
Mit dichtem Dach steht es bereit,
wann Regewolke kumme.

Die Aussicht, die is grandios
for Leit, die dort marschiere!
Wingertsfläche riesegroß
des Hiwwelgelände ziere.

Is aaner vun de Arwet mied:
dort kann er prima raschte -
wann er vum Schaffe Hunger kriecht,
esse, trinke - orrer faschte.

Des Haisje dient zum Ruhe unn Gucke,
aach for so manches Stelldichein....
Steht in de Landschaft sehr zum Schmucke -
ringsum reife Trauwe unn Sunneschein.

Ideal wär's noch for spezielle Sache,
mer könnt aa aanzig Mol im Johr
for die Leit e Sekterlebnis mache -
so ebbes kam bis jetzt noch net vor...

Die Weinfreunde zu üwwerrasche
mit dem, was in de Wingert gedeiht -
vielfältiger Genuss, exquisit in Flasche,
unserm Ort Bekanntheit veleiht!

De Wingertshaisje-Aussichtsturm
is ganz unn gar dezu prädestiniert,
daß de Winzer in dem Refugium
soi edle Troppe ab unn zu präsentiert!